

Guangjisi Minzcu Bau

ganhhau: CN45-0036 B.2019 Nd.2 Ng.20 liggaeuq geijhah nienz ndwencieng cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3362期

Sanglinz Yen Densi Cezmuz Vah Minzcuz 《Rengzhoengh Sanglinz》 Haiboq

Mboengqneix, densi cezmuz vah minzcuz 《Rengzhoengh Sanglinz》 Sanglinz Yen Gvangjbo Densidaiz roengzsim ingj guh haenx haiboq, cezmuz yungh Vahcuengh bonjdieg gaisau lizsij vwnzva Sanglinz, doxgaiq daegsaek, gijgwn ndei deihfueg, dieggingj lijyouz, banggunz baenz miz, gangj ndei gojgaeq Sanglinz, cienzboq sing' yaem Sanglinz, langhbaij yiengh-ndei seizdaih moq Sanglinz.

《Rengzhoengh Sanglinz》 moix singgeiz it banhaemh 9 diemj cung

cuengq baez nduj, ngoenz daihngaih banringz 1 diemj cung, banhaemh 9 diemj cung dauqcungz cuengq. Cezmuz boquengq le ndaej daengz gyoengq bouxyawj haenggyaez, roxnyinh cezmuz haeujgyawj vunzlai, yawjnaek ndwenngoenz beksingq, cienzboq vah minzcuz haemq ndei.

Sanglinz Yen dwg naed caw ronghsag ndeu sieng youq gwnz diuz sienq dauqgvi baek. Gizneix dwg dieggoek vwnzva mehlungz ranghdieg Cuhgyangh, hix dwg dieggoek ngoenz-

ciet cienzdoengj "sam nyied sam" Bouxcuengh, lizsij vwnzva goekdaej laegna, gizdieg vwnzva lai cungj lai yiengh. Sanglinz Yen swhyenz lai, miz haeuxgok, makgat, mbawcaz, rangzvan daengj doxgaiq reihnaz swnghdai daegbied gagmiz, lijimiz ngaiz daengx duz bya, haeuxnaengj haj saek, nohgoemj daengj gijgwn ndei daegsaek Mbanjcuengh dem, hawj vunz yinx lai.

(Lij Dauyung/李道永)

SIUSIK DINJ

● Ndwen 2 ngoenz 12, bi 2019 Cungguk Yeznanz (Aiden · Nazdang) minzcuz vwnzva doxgyau hozdung youq Ningzmingz Yen Aiden Cin Nazdangj Cunh Mbanjnazdangj banh. Boux-guhhong vwnzyi ndawbiengz Cungguk Yeznanz doeng-gvaq banh "caemh dwg rangh cingz ndeu · caez hoh cieng Cungguk" baenzdauq henzguk vwnzva hozdung, caezcaemh angqhoh cieng-moq angqyangz huzndei, gyalai Cungguk Yeznanz gak minzcuz doxndei dox-gyau.

(Cauh Yizganh)

● Ndwen 2 ngoenz 11, Denhdwngj Yen youq dij-yuzgvanj aen yienh neix banh aen hoih ciu vunz cienciengz bi 2019 giyez ndaw yienh caeuq "cehgenh banggunz" yungh hong, gungh miz 28 aen giyez ndaw yienh daengz dieg ciu vunz, daezhawj cizvei 98 aen, couhnieb gangjvei 2094 aen, yinx ndaej haujlai bouxguh hong daeuj ra hong.

(Leiz Lighn)

● Geij bi neix daeuj, Denzyangz Yen baengh gijndei diegvih caeuq giek-daej nungzyez ndei bonj-faenh, gaenxmaenx doi-caenh nungzyez caeuq lij-youzyez dox yungzhab, haenqrengz haifat nungz-gyahloz, mbaetsou, ngoenz-singgeiz youqndwi daengj lajmbanj lijyouz vunqsik, caenh' itbough doidoengh lajmbanj lijyouz ginghci hwngfat.

(Liuz Gez)

● Geij bi neix daeuj, Cingsih Si yawjnaek dieg gig gungzhoj henzguk, yinx haeuj bouxak baenz miz dieg rog haeuj mbanj co yungh dieg, yungh gij vunqsik "cihbu + gunghsw + gihdi + nungzhoh", daiq-doengh vunzlai hwngfat gij canjnieb mak daegsaek. Seizneix, dan Cingsih Giz-yangz Cin ndaem makgam daengz 4000 lai moux, ndawde aen gihdi ndaem makgam Youzli Cunh aen cin neix bi 2018 baenz mak 120 fanh gaen, souhaeuj 420 fanh maenz.

(Luz Cuilinz)

Gungh'anh Minzgingj Yungzanh Yungh Ngoenz-ciet Myauzcuz Senhconz Faplwd Fapgvi



Ndwen 2 ngoenz 13 dwg liggaeuq ndwencieng cogouj, dwg "ciet mangz-hauh" Yungzanh Yen Cangzanh Cin Anhninz Cunh Mbanjdabauz Mbanjmyauz bi gvaq baez haenx. Yungzanh Yen Gungh' anhgiz leihyungh seiz ndei ngoenzciet Myauzcuz neix, cujcz gimqdoeg, gyauhgijng, saeh' onj daengj minzgingj, bae daengz Mbanjmyauz haeuj mbanj haeuj ranz yiengq vunzlai Myauzcuz caeuq bouxhek senhconz gimqdoeg, gyau-doeng ancienz daengj mizgven faplwd fapgvi, doenggvaq yienhciegz fat senhconz swlhliu, gejdap vwndiz daengj hingzisk, hawj vunzlai youq mwh angqyangz hag ndaej faplwd fapgvi, daezsang faplwd yisiz, gyagiengz fazci gvanhnen. Ndaw doz dwg minzgingj senhconz gimqdoeg cihsiz hawj beixnuengx Myauzcuz.

(Danz Gaijhingh/谭凯兴)

Yungzsuij Hainduj Senhconz Minzcuz Vwnzva

Ndwen 2 ngoenz 14, riengzdwk Aen Hezvei Venz Yungzsuij Myauzcuz Swciyen bae daengz Anhdai Yangh Gyanghcuz Cunh Mbanjdadunghyangh haiguh "guh doengznienz" hozdung, Yungzsuij cingqsik hainduj le aen hozdung senhconz minzcuz vwnzva daengx bi.

Baez hozdung neix cawjdaez dwg "haj soengq bang vut gunz, haj haenh aencingz dangj". Cujyau senhconz hozdung hingzisk dwg youq aen hoihbo baenzdauq byaij haeuj Myauzcuz bi 2019 senhconz minzcuz cwngcwz dangj, senhconz gij banhfap leih minz gak

gaep cwngefuj. Bineix cawz haiguh "vwnzva, gohgi, veiswng" sam roengz mbanj hozdung le, lij gyalai "haj soengq" caeuq "haj haenh" hozdung dem, couhdwg "soengq cwngcwz, soengq dinfwngz, soengq gangjvei, soengq fugsah, soengq simndei" caeuq "canghfwen minzcuz ciengq haenh aencingz dangj, suhgi daih'it gangj haenh cwngcwz ndei, bouxak dangjyenz cienz haenh roen baenz miz, ranz vut gunz haenh ndwenngoenz ndei, lwghag gungzhoj haenh seizdaih ndei". Yenciz 25 aen danvih caeuqfaenh baez senhconz hozdung hung neix.

Baez "guh doengznienz" hozdung neix dwg baez minzcuz doxgiet hozdung ndeu youq Myauzcuz caeuq Bouxcuengh song aen minzcuz neix, daejyienh le ndaej daengz minzcuz cwngcwz dangj ronghlweng, Yungzsuij gak minzcuz couh lumj Siz cungjsuhgi naeuz yienghhaenx "minzcuz lumj ceh maksigloux ityiengh gaenjdaet doxgiet youq itheij, doengzcaez henhoh henzguk, doengzcaez cauhlaeb ndwenngoenz gyaeunde", gig miz yi yi youqgaenj.

(Veiz Ciginh/韦志军)